

# SCRIPTA

---

**Numéro Scripta** : 6406

**Auteur(s)** : Roger le Vavasseur [particulier]

**Bénéficiaire(s)** : Cressy, Notre-Dame, dépendance Saint-Lô de Rouen (prieuré)

**Genre d'acte** : charte

**Authenticité** : non suspect

**Datation** : 1286, mai

**Action juridique** : autre

**Langue du texte** : latin

## Analyse

Roger Le Vavasseur reconnaît devoir à perpétuité au prieur de Cressy 16 s. tournois et un septier d'orge pour 2 acres de terre qu'il tenait de Mathieu de Moy.

## Tableau de la tradition

### Éditions principales

a. De Glanville Léonce, *Histoire du Prieuré de Saint-Lô de Rouen*, ses prieurs, ses privilèges, ses revenus d'après les documents authentiques tirés des archives de la Seine-Inférieure et mis en ordre, Rouen, E. Cagniard, 1890-1891, 2 vol., t. 2, pièces justificatives, n° LVIII i, p. 386-387.

Texte établi d'après a

Sciant omnes presentes et futuri quod ego Rogerus le Vavasseur recognosco me teneri Matheo priori de Cressyaco executori testamenti seu ultime voluntatis Mathei de Moy militis defuncti in sex decim solidis turonensibus et uno sextario ordeï annui redditus quem redditum ego Rogerus le Vavasseur solvebam et debebam Johanni de Moy militi fratri defuncti. Primo novem solidos pro tribus virgis terre sitis inter terram Johannis de Peretot militis et terram Bertini le Sueur ex una parte et terram Johannis le Vavasseur et nemus Petri Fortin ex altera aboutantibus ad viam concavi quereus ex uno buto et ad terram Gilleberti le Petit et terram Bertini le Seur ex altero, item septem solidos pro una acra nemoris sita inter nemus Johannis le Vavasseur ex una parte et inter nemus Guillelmi Anglici ex altera aboutantem ad terram Gilleberti le Petit ex uno buto et ad terram Ade Anglici ex altero. Item unum sextarium ordeï pro quinque virgis terre sitis inter terram Petri Fortin ex una parte et terram Roberti Tranellie ex altera aboutantibus ad terram Galteri de Vico Silvestri ex uno buto et ad quiminum domini regis ex altero quas videlicet terras ego Rogerus le Vavasseur tenebam de dicto Johanne de Moy milite qui me atornovit ad reddendum et solvendum dicto priori dictum redditum duobus terminis anni quibus ego dictus Rogerus le Vavasseur reddebam et solvebam dicto Johanni de Moy militi videlicet ad festum sancti Mychaelis octo solidos et sextarium ordeï et ad purificationem beate Marie inde sequentem octo solidos. Et nisi ego Rogerus et heredes mei predictum redditum predicto priori solverimus predictus prior et eius successores poterunt omnino super terram predictam iusticiam suam facere absque aliqua contradictione. Tenendum et possidendum seu habendum de cetero et in perpetuum dicto priori et eius successoribus de me et heredibus meis bene et in pace libere et quiete et ad faciendum suam penitus voluntatem. Et dictus Johannes de Moy miles tenetur dictum redditum dicto priori et eius successoribus contra omnes garantizare et ab omnibus liberare salvo iure dominico absque oppositione vel reclamatione aliqua Johannis de Moy militis vel heredum suorum in posterum faciendam. In cuius rei testimonium et ut hoc robur firmiter obtineat ego prenominatus miles et ego Rogerus le Vavasseur presentem cartam dicto priori sigillorum

nostrorum munimine tradidimus roboratam. Datum anno domini m°. cc°. octogesimo sexto mense maii. Testibus huius domino Rogo de Busco, Radulpho Bouestel et Petro de Castro clerico et plubius aliis.